



elternkreis  
kallnach/niederried

«EN GARDE»

«PRÊTS?»

«ALLEZ!»

## Schnupperkurs Fächtä

Am Samschtig, 8. September, het ä Gruppe Chind us Kallnach und Niederried chönne ds Fächtä im Fächtclub Biel währendemnä Probetraining ga usprobiere.

Nachdäm jedes mitemnä polschterete, wisse Jäggli, Händschä und ärä schwarzä Maske ufem Chopf isch usgstattet gsi, hets chönne los ga.

Dr Fächtmeischer, Yannic, het äs Iwärmä gmacht, wobi d Chind schnäu hei gmerkt, dasmä bim Fächtä ou ziemlich mues dr Chopf binang ha. Mä mues nämlich guet überlege, aber ou gschickt u schnäu si.

U de hets scho gli gheisse „en garde – prêts? allez!“ Da het jedes Chind dörfe ä Degen id Hand nä und sich verkabla. Das isch zwüsch dürä ä ziemlichä Salat gsi, aber mir hei ja wöue ds Horni ghöre, we öper isch troffe worde.

Di junge Fächter hei beim Training sehr interessiert zueglost, enang immer ghulfe, hei fair und ehgizig kämpft.

Nach däm Turnier, hei mir no chli bim Turnier vo dä Grosse dörfe ga zue luege, was sehr faszinierend isch gsi.

Äs isch sehr ä spannende Namitag gsi, mit viu motivierte Chind!

No mau äs grosses Merci a Fächtmeischer Yannic und a Fächtclub Biel, wo üs das het ermöglicht.

Dr Elternkreis Kallnach/Niederried